

Kommunit missingersuusiortarnerat, naatsorsuutaat, kukkundersiuisarneq aamma karseqarnerat naatsorsuuseriveqarnerallu pillugit Namminersornerullutik Oqartussat nalunaarutaat

Kommunalbestyrelsit, nunaqarfinni aqutsisut il.il. pillugit Inatsisartut inatsisaanni nr. 20-mi 3. november 1994-imeersumi § 39, imm. 5, § 40, imm. 3, § 45, imm. 1 aamma imm. 3 aamma § 48, naapertorlugit aalajangersarneqarput:

Missingersuusiortarneq

§ 1. Kommunit missingersuutat ukiunut arlalinnut missingersuutitalit akuersissutigineqareersimassapput isertitanit akileraarutit pillugit inatsisartut inatsisaanni kommunimi isertitatigut akileraarutit procentiata aalajangiivigineqarnissaanut piffissarititap qaangiutinnginerani.

Imm. 2. Aningaasaqarnermut ataatsimiititaliap missingersuutitut siunnersuut kingusinnerpaamik piffissaliussaq imm. 1-mi taaneqartoq qaammatinik marlunnik sioqqullugu kommunalbestyrelsimut saqqummiutissavaa.

Imm. 3. Missingersuutitut siunnersuummut aningaasaqarnermut ataatsimiititaliami ikinnerussuteqartunit inassuteqaatit §§-ini 2-mi, 3-mi 4-milu piumasaqaatinik naammassinnissimassapput.

§ 2. Aningaasaqarnermut ataatsimiititaliap aningaasanut missingersuusiatus siunnersuusaaia ilaatinneqassapput kommunip isertitassai aningaasartuutissaalu tamarmiusut aammalu aningaasani tigatoriaannarni nikinnerit aamma aningaasaatit nikeriarnerat.

Imm. 2. Aningaasaqarnermut ataatsimiititaliap aningaasanut missingersuusiatus siunnersuusaaia ilaqartinneqassaaq missingersuusiortermini periaaseq toqqarneqarsimasooq missingersuusiallu kontoplani akuerisaasooq malillugu qanoq immikkoortiterneqarsimatiginerat pillugu nassuiaammik.

Imm. 3. Aningaasanut missingersuusiatus siunnersuusaaia ilaqartinneqassaartaaq aningaasaliissutissatut siunnersuutigineqartunut ataasiakkaanut nassuiaatitut oqaasertaliussanik, imaalillugulu killiliussatut akuersissutini nalunaarneqassalluni piumasaqaatit sorliit naapertorlugit akuersissutit atorineqassanersut, aningaasaliissutinilu allani, tassa isertitassatut aningaasartuutissatullu kiisalu naatsorsuutininik oqimaatigiisitsinermi akuersissutini, aningaasaliissutit taakku atorlugit suliaasaq sukumiisumik allaaserineqartassalluni.

Imm. 4. Missingersuusiatus siunnersuusaaia akuersissutissatut siunnersuutini tamani sivikinnerpaamik ukiunut pingasunut missingiutinik ilaqartinneqassaaq, taakkunani suliaasaqarfimmi pineqartumi ineriartornissamut kommunip naatsorsuutigisai nalunaarneqassallutik. Missingersuutitut nassuiaatini pisariaqarnera malillugu taamatuttaaq ukiuni missingersuusiorterfusuini ineriartorneq aallaaserineqassaaq.

§ 3. Kommunit pigisat atoriaannaat nikerarnerinik missingersuusiorneri pissapput aningaasanut tigoriaannarnut missingersuusiatut isikkulerlugit, missingersuusianut tamarmiusunut ilanngullugit akuersissutigineqartartussatut.

Imm. 2. Aningaasanut tigoriaannarnut missingersuusiani oqaatigineqassaaq missingersuusiani akuersissutit tamarmiusut, tassunga ilanngullugu killiffimmut missingersuusiat aamma aningasat nikeriarnerat, ilaat qanoq amerlatigisut qaammammut atorineqartassasut naatsorsuutigineqarnerisoq.

Imm. 3. Aningaasanut tigoriaannarnut missingersuusiat pisariaqarnera malillugu ilaqartinneqassapput nalunaarsuutininik oqaaseqaatinilluunniit nassuiaataasunik.

§ 4. Kommunit sumut killinnermut postiinut missingersuusiornerminni minnerpaamik oqaatigineqassapput piffissami sivikitsumi pisassarisaanut akiitsunullu, piffissami sivisunerusumi pisassarisaanut akiitsunullu aammalu pigisat nalillit aalaakkaasullu qanoq ingerlanissaannut kommunip naatsorsuutigisai.

Imm. 2. Sumut killinnermut postinut missingersuusiornermi aamma a-tuupput § 3, imm. 2-mi aalajangersakkat.

§ 5. Ilassutitut akuersissutissanut siunnersuutini oqaatigineqassapput ilassutitut akuersissutit qanoq aningaasalorsorneqarnissaannut siunnersuutit aammalu ilassutitut akuersissutit aningaasatigut kingunerisassaat. § 2-mi imm. 3-mi aamma imm. 4-mi aalajangersakkat ilassutitut akuersissutininut aamma atuupput.

Imm. 2. Aqutsinissamut inatsisip § 42-ani imm. 2 tunngavigalugu aningaasaqarnermut ataatsimiititaliap missingersuusiani nuussuineri kommunalbestyrelsimut ilisimatitsissutitut saqqummiunneqassapput.

Imm. 3. Ilassutitut akuersissutissatut siunnersuutit kommunalbestyrelsimut saqqummiunneqarnerminni aningaasaqarnermut ataatsimiititaliap inassuteqaataanik ilaqartinneqassapput, aammalu ilassutitut akuersissutissat ataatsimiititaliap atauartup susassa qarfanut tunngassuteqarpata ataatsimiititaliap pineqartup inassuteqaataanik.

Naatsorsuutit

§ 6. Kommunip naatsorsuutai ukiup naatsorsuusiorfusup naanerata kingornatigut aprilip qaammataani aningaasaqarnermut ataatsimiititaliamit saqqummiunneqassapput.

Imm. 2. Kommunilbestyrelsip naatsorsuutininik, aqutsinissamut inatsisip § 45-ani imm. 2 malillugu, oqaluuserinninnissaa pissaaq naatsorsuutit aningaasaqarnermut ataatsimiititaliamit saqqummiunneqarnerisa kingornatigut kingusinnerpaamik kommunalbestyrelsip ataatsimiinnerani tullermi.

Imm. 3. Kommunip naatsorsuutaanut ilaatinneqassapput ukiumi naatsorsuiffiusumi qaangiuttumi atuinerit isertitallu tamarmiusut ukiumi tulluuttumi februarip qaammataata naanera ilanngullugu.

Imm. 4. Ukiuni arlalinni sanaartugassat eqqarsaatigalugit naatsorsuutininut oqaaseqaatini missingersuusianit atuneq nassuiaateqarfigineqassaaq, tassunga ilanngullugu pilersaarutip naammassineqarnissaanut piffissamut pilersaarutininut naleqqiullugu utertitassat tiguneqarsimanersut, aammattaaq oqaatigineqassaaq pilersaarutaasumut kommunip aningaasartuutissaanut tamarmiusunut naleqqiullugu aningaasartuutit amerleriaateqassanersut imaluunniit annikinnerussuteqassanersut naatsorsuutigineqarnerisoq, oqaaseqaatit missingersuusiornermikkut iluarsissutissanut tunngavissaasinnaassapput.

Imm. 5. Aningaasat atunngisat naatsorsuutini aningaasartuutitut nalunaarneqarsinnaanngillat aningaasat ukiumi naatsorsuiffimmi tulluuttumi akuersissutigineqarinnegassagaluarpataluunniit.

Imm. 6. Naatsorsuutitut oqaaseqaatini aammattaaq ilaatinneqassapput kommunip sumut killinnermut kontuini nikeriarnertit immikkut pingaaruteqartut.

§ 7. Naatsorsuutit saqqummiunneqassapput innuttaasunut, suliffinnut il.il. piumasaqaateqartunut imaaliiallaannaq tunniunneqarsinnaasunngorlugit.

§ 8. Naatsorsuutit kommunalbestyrelsip oqaaseqaataanik, aqutsinissamut inatsisip § 45-ani imm. 2 malillugu, ilaqartillugit Naalakkersuisunut aamma Nakkutiiliisoqarfimmut nassiunneqassapput kommunalbestyrelsimi oqaluuserineqareerpata kingusinnerpaamik qaammatip ataatsip qaangiunnerani.

Kukkunersiuineq

§ 9. Kommunip naatsorsuutai kukkunersiorneqassapput kukkunersiuisunit Naalakkersuisunit akuerineqarsimasunit.

Imm. 2. Kukkunersiuisunik soraarsitsineq, aqutsinissamut inatsisip § 46-ani imm. 1 malillugu, aatsaat pisinnaavoq ukiup naatsorsuiffiup nutaap aallartinnerani.

§ 10. Ukiumut naatsorsuutit kukkunersiorneqarnerat pillugu kukkunersiuisut ukiumoortumik nalunaarusiortassapput. Aammattaaq kukkunersiuisut ukiup ingerlanerani nalunaarusiortassapput, tamanna peqqussutigineqarsimagaangat imaluunniit tamanna kukkunersiuisut pisariaqartikkaangassuk (nalunaarusiap ilai).

Imm. 2. Nalunaarusiap ilaani nassuiaateqarfigineqassapput kukkunersiuisutut suliat aammalu pissutsit allat kukkunersiuisut saqqummiutissallugit pissutissaqartitaat. Kukkunersiuisut oqaaseqaateqartassapput isumaqarunik naatsorsuutini postit kommunalbestyrelsip aalajangiineritut naapertuutinngitsut imaluunniit maleruagassat atuuttut unioqqutillugit iliuuseqartoqarsimasoq.

§ 11. Kukkunersiuisut nalunaarutaat kommunalbestyrelsimi oqaluuserineqassapput kukkunersiuisut nalunaarutaata kalaallisuuata kommunimiit tiguneqarnerata kingornatigut kingusinnerpaamik qaammatit pingasut qaangiunneranni.

Imm. 2. Kukkunersiuisut nalunaarutaata kommunalbestyrelsimi oqaluuserineqarnerata kingornatigut kingusinnerpaamik ullut 14 qaangiunneranni kukkunersiuisut oqaaseqaataannut kommunalbestyrelsip akissutai Nakkutiiliisoqarfimmut nassiunneqassapput.

§ 12. Kommunilbestyrelsi kukkunersiuisut nalunaarutaannut, kommunilbestyrelsimi aalajangiiffineqartariaqartunut, akissuteqarnermini sianigissavai makkua:

- 1) Suliassanik suliarinnittarnermi suleriaatsinilu allannguutissanik imaluunniit pitsanngoriaatissanik kukkunersiuisut kaammattuuteqarsimappata kommunilbestyrelsip nalunaassavaa allannguutit imaluunniit pitsanngoriaatissat qanoq iliorluni piffissallu qanoq sivisutigisup iluani naammassineqassanersut,
- 2) kommuni suliassanik suliarinninnermini kukkussuteqarsimasoq kukkunersiuisut uparuarsimappassuk kommunilbestyrelsip nalunaarutigissavaa kukkuneq qaqugu iluarsineqassanersoq, oqaatigissallugulu kukkuneq suleriaatsini allanngortitsinissamut pissutissaanersoq imaluunniit allanik sulissuteqartoqassanersoq siunissami kukkunerit taamaattut pinngitsoortinniarlugit,
- 3) akissuteqaat kukkunersiuisut oqaaseqaataata tusaatissatut tiguneqarneranik imaqartoq taamaallaat naammaginnartinneqarsinnaavoq kukkunersiuisut erseqqissumik oqaatigisimappassuk oqaaseqaat immikkut malersuqqittariaqanngitsaq, imaluunniit malersueqqinnissaq pisariaqartoq kukkunersiuisut namminneq isumaginniarpassuk,

4) kukkunersiuisut oqaaseqaataat kommunalbestyrelsimit akuersaarneqarsinnaanngippat tamatumunnga tunngavilersuutaasut akissuteqaammi erseqqissumik oqaatigineqassapput.

Karseqarnej naatsorsuuseriveqarnerlu

§ 13. Kommunip karseqarnerata naatsorsuuseriveqarneratalu aaqqissuunneqarnissaanut suleriaasissaanullu malittarisassat sukumiinerusut aqutsinermut inatsimmi § 47 naapertorlugu kommunalbestyrelsimit aalajangersarneqassapput.

Imm. 2. Malittarisassat *imm. 1*-imi pineqartut pillugit kukkunersiuisut kommunalbestyrelsillu akornanni isumaqatigiinngittoqartillugu Naalakkersuisut aalajangiisassapput.

Atortuulersitsineq

§ 14. Nalunaarut manna atuutilerpoq 1. oktober 1995 imaalillugu:

- 1) §§ 1-4 1996-imut missingersuusiornermi atuutissapput,
- 2) §§ 6-8 1995-imut naatsorsuutinik saqqummiussinermi atuutissapput, aamma
- 3) §§ 10-12 nalunaarutip atuulernerata kingornatigut kukkunersiuisut nalunaarutaannut tamanut atuutissapput.

Namminersornerullutik Oqartussat, ulloq 18. september 1995

Lars Emil Johansen

/

Kaj Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut

